

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 01-04-2857

Bihać, 26.05.2021. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj 34/03 i 65/13), člana 60. Pravila JU „Stanouprava“ Bihać („Službeni glasnik Grada Bihaća“, broj 14/17 i 5/20) i Zaključka o utvrđivanju standarda i kriterija za ocjenjivanje i izbor kandidata na pozicije predsjednika i članova Upravnog i Nadzornog odbora Javne ustanove čiji je osnivač Gradsko vijeće Bihać („Službeni glasnik Grada Bihaća“, broj 5/20), Gradonačelnik Bihaća, raspisuje

JAVNI OGLAS
ZA IZBOR I IMENOVANJE ČLANA NADZORNOG ODBORA JAVNE USTANOVE
„STANOUPRAVA“ BIHAĆ

I NADZORNI ODBOR

- član iz reda predstavnika Osnivača – 1 (jedan)

II OPIS POZICIJE

Nadzorni odbor Javne ustanove: analizira izvještaje o poslovanju Javne ustanove, obavlja nadzor nad upotrebom sredstava za rad, pregleda godišnji izvještaj o poslovanju i završni račun, pregleda i provjerava urednost i zakonitost vođenja poslovnih knjiga, izvještava Osnivača, Upravni odbor i direktora o rezultatima nadzora.

III OPĆI USLOVI

Opći uslovi koje moraju ispunjavati kandidati za poziciju člana Nadzornog odbora Javne ustanove:

- a) da je državljanin BiH,
- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kom nivou u BiH u periodu od 3 godine prije dana objave oglasa,
- d) da nije pod optužnicom Međunarodnog suda za ratne zločine (član IX 1. Ustava Bosne i Hercegovine),
- e) da nije osuđivan za krivična djela ili privredni prestup,
- f) da nije izabran zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti BiH,
- g) da nema privatni finansijski interes u regulirarnom organu za koji se kandiduje,

- h) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH.

IV POSEBNI USLOVI

Posebni uslovi koje kandidat mora ispunjavati:

- a) VSS, VII stepen složenosti zanimanja, ili visoko obrazovanje prvog ciklusa Bolonjskog sistema studiranja (180/240 ECTS bodova)
- b) najmanje 1 godine radnog staža u struci ili iskustva na poslovima iz djelatnosti ustanove, odnosno oblasti u kojoj ustanova djeluje,
- c) prilagodljivost timskom radu, komunikativne i kreativne sposobnosti za savjesno, odgovorno i odlučno obavljanje pozicije za koju se kandiduje,
- d) sposobnost nepristrasnog donošenja odluka,
- e) sposobnost tumačenja i primjene ekonomskih, pravnih i drugih propisa iz djelatnosti ustanove u kojoj se kandiduje,
- f) rezultati rada ostvareni tokom prethodnog radnog angažmana i preporuka poslodavca,
- g) da nije direktor, predsjednik ili član upravnog ili nadzornog odbora u drugoj ustanovi, odnosno član uprave, predstavnik osnivača sa ovlaštenjima skupštine, ili predsjednik odnosno član Nadzornog odbora ili odbora za reviziju u privrednom društvu.

V MANDAT

Član Nadzornog odbora Javne ustanove imenuju se na period od 4 (četiri) godine i može biti ponovno imenovan.

VI POTREBNI DOKUMENTI

Prijava na javni oglas treba da sadrži oznaku pozicije za koju kandidat aplicira, kratku biografiju, adresu i kontakt telefon.

Uz prijavu se prilažu originali ili ovjerene fotokopije slijedećih dokumenata:

- a) dokaz o školskoj spremi,
- b) dokaz o radnom iskustvu u struci,
- c) uvjerenje o državljanstvu (ne starije od 6 mjeseci),
- d) izvod iz matične knjige rođenih
- e) preporuka poslodavca
- f) druge dokaze o ispunjavanju općih i posebnih uvjeta javnog oglasa (ovjerene izjave o ispunjavanju Općih uvjeta iz alineje c), d), f), g) i h) i Posebnog uvjeta iz alineje g) javnog oglasa.

Dokaz o ispunjavanju Općih uvjeta iz alineje e) bit će dužni dostaviti samo kandidati koji budu predloženi za konačno imenovanje.

Lični podaci o učesnicima u javnom oglasu su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“ broj 49/06, 76/11 i 89/11).

VII OSTALE NAPOMENE

Javni oglas će se objaviti u „Službenim novinama Federacije BiH“ i dnevnom listu „Oslobođenje“.

Rok za podnošenje prijava je 15 dana, a računa se od datuma posljednje objave javnog oglasa

Prijave sa dokumentacijom mogu se dostaviti lično ili preporučeno poštom, u zatvorenoj koverti, na adresu: *GRAD BIHAĆ, Komisija za provođenje izbora u regulirane organe u Gradu Bihaću, 77000 Bihać, ul. Bosanska br. 4, s naznakom: Prijava na javni oglas za izbor i imenovanje člana Nadzornog odbora JU „Stanouprava“ Bihać– „NE OTVARATI“*

Komisija će uz poštivanje principa utvrđenih zakonom, a na osnovu kriterija za ocjenjivanje i izbor kandidata, sastaviti listu sa užim izborom kandidata.

Svi kandidati na listi sa užim izborom bit će pozvani na intervju i uz poziv će dobiti obrazac u kom će iznijeti bilo koje pitanje koje bi moglo dovesti do sukoba interesa, za slučaj da dođe do njegovog imenovanja.

Nakon obavljenog intervjua Komisija će predložiti rang listu najboljih kandidata i proslijediti je Gradonačelniku na konačno imenovanje.

Bilo koji kandidat ili član javnosti može podnijeti prigovor na konačno imenovanje, ako raspolaže dokazima da u postupku imenovanja nisu ispoštovani principi utvrđenim zakonom.

Prigovor na konačno imenovanje se podnosi Gradonačelniku, a kopija se dostavlja Ombudsmenu za ljudska prava u Federaciji BiH.

Neblagovremene i nepotpune prijave se neće uzeti u razmatranje.

Podnosioci prijava sa kojima se ne stupi u kontakt u roku od 8 dana po isteku roka za podnošenje prijave, neće biti uzeti u razmatranje u daljnjem postupku imenovanja.

Gradonačelnik
Šuhret Fazlić